

Treffe sich Zwää... (Eine wahre Begebenheit - Frei erfunden von MS)



Na Schorsch, long nit gesehe, wie geht's dann so?

Ooch, immer so weider, nix neies eischentlich...

Hosde schun geheert, in Meenz hawwe se sich schun widder on de Kepp!

So, wer dann?

Ei die Stadt un der große Fassenachtsveroin, der wo de Zuuch macht

Mach Sache, un warum?

Eija, der Verojn will e Glasverbod, weil des sicherer ist fer die Leid

Is doch gud, wieso kann mer dodriwwer streide?

Ei wesche de Sicherheit!

...versteh ich nit...

Ich aach nit, awwer bass uff: Wenn mer sowas macht, muss mer's jo aach kontrolliern

Ja klar awwer wo is'n do die Schwierichkeid?

Eija, abschberrn muß me die Gaß und nochgugge wer was debei hot

Un was iss'n do so schwierig, die schberrn jo sunst aach alles ab wenn se was kontrolliern wolle

Aja, wenn was bassierd un die Leid wolle schnell all raus und des geht donn nit

Des sdimmt, do muß mer was zum absberrn nemme, was schnell widder weg gemacht wern kann

Siehsde, jetzt hosdes! Un dodriwwer streide die jetzt und die Zeid is zu korz...

Kabierd, Verwaltungsmensche und Poliddigger brauche Zeid zum quatsche - viel Zeid!

Nadierlisch, do muß alles rechtlich stimme und uff feste Fiess stehe, vorher geht do nix!

Also werd aus dem Glasverbod vor 2016 nix...

Nää awwer dodefer sin se sich wenschsdens änisch, daß was gesche die Wildpinkler gemacht werd!

Was is'n dess fer e Segde?

Also horsch emol, jetz mach awwer mol en Punkt!

Reesch disch ab, des war en Witz, ich kenn des Plagat...

Mir duhn nur die Sanidehder und die Polizisde leid, die misse des mit dene Glasschäde

Glasverbot in Meenz beim Zuuch...

Dienstag, den 20. Januar 2015 um 21:12 Uhr - Aktualisiert Mittwoch, den 21. Januar 2015 um 10:06 Uhr

ausbade

Sdimmt! Awwer saach emol in Köln, do hawwe die des Glasverbod doch schon...

Des kann mer doch nit vergleische, Köln, des sinn doch gonz onnere Verhältnisse!

Also, isch muß jetzt weider, moi Fraa waad mit dem Esse - Griehß doi Klärsche von mir...